



# **AOAO E FAAMAGALO ATU**

**Ia agalelei foi le tasi i le tasi, ia fealofani,  
ia fefaamagaloai, faapei ona faamagaloina  
outou e le Atua ona o Keriso.**

EFESO 4:32



‘Āfai e fa’amaulalo lo’u nu’u ‘ua ta’ua i lo’u igoa, ma tatalo, ma sālī mai i o’u mata, ma liliu ‘ese i o latou ala leaga; ‘ona ‘ou fa’alogo ai lea mai le lagi, ma ‘ou fa’amāgaloina a latou agasala, ma fa’amālōlōina lo latou nu’u. 2 NOFOAIGA A TUPU 7:14

‘Amu’ia lē ‘ua fa’amāgaloina lana solitulafono, ‘ua ufitia fo’i lana agasala. SALAMO 32:1

A ‘ua alofa mutimutivale o ia, ‘ua ia fa’amāgaloina a latou amioletonu, ‘ua na lē fa’aumatia fo’i i latou; SALAMO 78:38

‘Ua e fa’amāgaloina le amioletonu a lou nu’u, ‘ua e ufiufi a latou agasala uma lava. Selā. SALAMO 85:2

Auā o oe, le Ali’i e, e lelei oe, ma ‘ua e fa’amāgalo mai; e tele fo’i le alofa mutimutivale i ē vala’au atu ‘iā te oe. SALAMO 86:5

Afai e te mātauina amioletonu, leova e, o ai ea e tū? A ua ia te oe le faamagaloga, ina ia mata'u ai oe. SALAMO 130:3-4

Auā afai tou te faamagalo atu i tagata i a latou agasala, e faamagaloina foi outou e lo outou Tamā o i le lagi; MATAIO 6:14-15

Aua tou te faamasino atu, ona le faamasinoina ai lea o outou; aua le faasala atu, ona le tausalaina lea o outou; ia outou faamagalo atu, ona faamagaloina ai lea o outou; LUKA 6:37.



Ona tali atu lea o Iesu, ua faapea atu ia te ia, Simona e, o ia te au se mea e fai atu ai ia te oe. Ona fai atu lea o ia, Le aoao e, ia e fetalai mai. Sa i ai le tagata o lo'o 'aitalafu 'iā te ia e to'alua ē 'ua 'aitalafu; Ma ina ua leai se mea latou te totogia, sa ia faamagalo faamaoni i laua uma. O lenei, ta'u mai ia 'iā te a'u, po o ai o i latou e sili 'ona alofa 'iā te ia? 'Ua tali atu Simona, 'ua fa'apea atu, "Ou te manatu o lē 'ua tele 'ona fa'amāgalo atu i ai. Ona fai atu lea o ia ia te ia, Ua tonu lau faamasinoga. 'Ona faliu atu lea o ia i le fafine, ma fai atu 'iā Simona, " 'Ua e iloa 'ea lenei fafine? Na 'ou ulu atu i lou fale, 'e te le'i foa'iina mai fo'i se vai mo o'u vae; E te le'i sogi mai lava 'iā te a'u; 'Ua e lē fa'au'uina lo'u ulu i le suāu'u; O le mea lea ou te fai atu ai ia te oe, ua faamagaloina ana agasala e tele; auā ua alofa tele o ia: a o lē ua faamagaloina i ai sina mea itiiti, ua itiiti lona alofa. Ona fai atu lea o ia ia te ia, Ua faamagaloina au agasala.

LUKA 7:40-48

'Ia 'outou fa'aeteete 'iā te 'outou lava; ma afai e salamo o ia, ia e faamagaloina atu ia te ia. 'Āfai fo'i e fa'afitu i le aso 'ona agaleaga mai o ia 'iā te oe, ma fa'afitu i le aso 'ona toe liliu mai 'iā te oe, 'ua fa'apea mai, 'Ua 'ou salamō; ia e faamagalo atu ia te ia.

LUKA 17:3-4

O ia ua tatou maua ai le togiola i lona toto, o le faamagaloina lea o agasala, e tusa ma le faulai o lona alofa tunoa; EFESO 1:7

ia fefaapalepaleai, ma ia fefaamagaloi, pe afai ua agaleagaina se tasi e se tasi; KOLOSE 3:13

‘Āfai tatou te ta’uta’u atu a tatou agasala, e fa’amaoni ma amiotonu o ia e fa’amāgaloina a tatou agasala, ma fa’amamāina i tatou i amioletonu uma lava. 1 IOANE 1:9

Aua e tumu le Alii i le mutimuti vale ma le alofa, o le onosai, ma le alofa tele, ma le faamagaloina o agasala, ma le faaola i ona po o puapuaga. Failauga 2:11

‘Ia e fa’amāgalo atu i lē lua te tuā’oi le leaga na ia faia ‘iā te oe, e fa’amāgaloina fo’i au agasala pe a e tatalo. E ita le tasi tagata i le tasi, pe saili ea e ia le faamagaloga mai le Alii? E lē alofa o ia i se tagata e pei o ia lava; Failauga 28:2-4

... Le Alii e, e tusa ma lou agalelei tele ua e folafola mai ai le salamo ma le faamagaloga i e ua agasala ia te oe; 1

Ia outou fealofani ma le loto; ‘āfai fo’i e agasala se tasi ‘iā te oe, ‘ia e tautala atu ma le filemū ‘iā te ia, ‘aua fo’i ne’i i ai se pepelo i lou loto; ma afai na te salamo ma ta’uta’u atu, ia e faamagalo atu ia te ia. ‘Āfai fo’i ‘ua lē mā o ia ma tumau i lana amio leaga, ‘ia fa’apea fo’i ‘ona fa’amāgaloina o ia ma le loto, ma tu’u atu i le Atua le tau i ma sui. FEAGAIGA A KATO 2:3, 8